

道園學古錄

八

新平知

PDG

道園學古錄卷之二十九

歸田集三

雍虞集

白圭

芝亭永言

七言律詩

與癸元溥登仙遊和李浩卿韻

老去江山已倦游，况聞風雨滿溪頭。
儼尋黃鶴望，松壑聊伴白鷗。
經稻疇山掩，有雲堪作供酒樽。
無婦可歸謀從教，看客回車晚留取，衰翁專一立。

陳可復爲予寫戴笠圖賦詩四首

浮雲滿空無所依，高岡獨行來者稀。
仙人冉冉遺松老，鳴鹿呦呦生草肥。
伐木遠聞何處谷，頃筐近得故時薇。
山中雨來霧先合，此日先生戴笠歸。

南園多竹暑氣微，始來結屋相因依。
掛巾石壁畫霧濕，沐髮

池水朝陽晡頓年車馬踐霜雪六月裳衣無然諦鄰翁問舊
坐來久此日先生戴笠歸

老去懸車百慮灰西風獨愛菊花開田家酒熟邀皆去茅屋
詩成懶更裁欲及天清冷沆瀣要觀日出上蓬萊赤松有約
應相待此日先生戴笠來

捨却鄉人駟馬車老身全不要人扶雲霄一羽山頭杜風雨
孤村海上蘇薄命長鏡隨積雪多情破帽落輕烏莫圍玉帶
垂朱紱此是先生戴笠圖

仙游道士余岫雲為從珠溪余隱士求得華山下

黃茅岡一曲規作丹室喜而賦之不覺五首

華山東下有茅岡云是毛公舊隱場清露尚餘丹滿臼白雲
今許草為堂冬馮野燒開會隴春託山雷淨石林從此便為
千載計洞天先拜紫芝草

茅岡地主古醇儒乞我岡頭作隱居
領上閒雲從管領
澗中流水聽開除
刀耕火種從茲始
兩笠風瓢便有餘
自古詩人多會合
浮丘毛氏不愁予

石人屹立古仙壇
雙澗交流拱一盤
臨水種松須匝就
中作室要寬安
洞經即日脩真訣
玉臼逢春浴舊丹
却恐山中添故事
題詩莫與世傳看

仙游辦得茅千束
華蓋須分屋數間
微咏玉經忘我老
謾調金鼎勝於閒
龍雷變化從舒卷
鶴露清寒自往還
何似綺園諸老者
採芝初不離南山

茅岡初割一溪雲
玄契華陽舊隱文
謁簡目題香案更
封章先報大茅君
種成和露挑千樹
借與摩霄鶴數群
便覺宸清真洞府
不煩夢想託紛紜

崇仁監邑阿里仁甫茉莉花盆中所竹插之而生

枝葉近年翰林學士陸公謙齋作御史時亦有此
瑞朝之士大夫引寇萊公故事以為徵名其堂曰
瑞竹而咏歌之陸公仕東南歷郡守部使者至所
有仁政著清節美名著壽今為中朝老臣瑞蓋不
虛發也仁甫長邑三年清介明恕字于上下此竹
之生父老庶士爭走山中相告因取而觀之略寫
其狀賦詩以美之

華盆插竹忽生根枝葉青之向曉瞰直節有生資地力虛心
無愧荷天恩陸公堂上今重見萊國祠前孰更論但得清風
千古在常扶筇杖者淇園

撫郡天寧明極覺講主陪敬齋監郡奉祠華蓋特
有高咏二讀敬嘆僕偶共清游輒復次韻衰退不
工聊資咲聚

三峰宮殿接新橋十月長齋陟翠巖朝步仍垂蒼玉珮登歌
還引紫瓊簫千枝絳蠟連虹貫五色香雲向日飄賴有高人
陪後乘輕清詩句似參寥

鄧公信吾契家賢弟比奉憲書幣存問衰朽于
山中其還也無以爲餞賦此與之

幙府秋高寄遠情飛鴻蕭蕭度江城深慚衰朽勞人問豈有
文章與世驚疏傳多年餘賜盡揚雄已老太玄成憑君歸致
殷勤謝擊壤田間荷聖明

故人將命清嚴地越陌經阡枉見存松菊荒蕪慚重客裳衣
顛倒出柴門老忘舊事尋書卷喜走鄰家覓酒尊此邑故家
無幾在更崇令德及諸孫

安成劉雲章漢章兄弟兩秀才來訪一長書一長

詩皆有志文學賦此爲別

步彘東行好弟兄東書街袖見才英只愁困學孤來問豈有
奇聞外素誠知道言辭無詭妄及人事業匪縱橫名鄉自昔
多君子珍重歸來在矯輕

壽陳溪山生日

西來羈客作南居來往風流舊不踈好句每容鄰曲寫高情
不解世間書温温中夜還舟鼎井井高仙畢道車千歲相期
真有約九天風露壽尊餘

秋日同朋游北塔山

縣西北塔極蕭疎投老能來幾度餘山木已隨樵斧盡屋塵
猶護醉翁書遠懷天上多騎鶴近愛槎頭可釣魚九日懸崖
多細菊可能無意再巾車

縣道蕭條北客踈西人居者亦無餘春尋道士松花館秋覓
山人柿葉書太史闕文誰借馬相君浪食尚烹魚何因得似

先天叟洛下人家揔駐車

歸田多病故人踈
好客相逢樂有餘
老去深盃那解飲
詩成大字尚能書
門生去上青驄馬
道士歸騎赤鯉魚
如此餘生多樂事
誰能七十始懸車

送尼山廟學彭山長

尼山新作素王庭
春告成功用上丁
徂徠有松充采斲
靈光何毀效丹青
風霆彤氣皆垂教
金石文章具刻銘
天子萬年綬福祿
曾孫奉若薦明馨

游浴湖田舍

近郭林泉無可游
行尋田舍逐微流
春眠稍可遠鍾鼓
秋熟或能求豆區
萬里橋邊祠廟古
百花洲畔釣船幽
兒童不解憶鄉里
老夢時時還故州

題范德機詩集後

抱膝長吟老范兄，寒岩古柏兩同清。東都高節鴻毛遠，南海真仙鶴骨成。遺藁飄零存梗槩，孤兒瘦弱賴高情。若無塵外知心友，千古誰間出世名。

溪山翁所居與小雅易君相近，翁與子賦詩易君之季子至善，輒隨錄之，遂成巨帙，賦此以答其美。意云耳。

橫塘烟雨易東家，翠竹娟娟映白沙。綵筆偏題詩滿卷，繡簾長對樹交花。往來二老隨天分爛熳，二春感物華。却問結園商嶺外，曾無高咏到烟霞。

題徐孟俊屏山閣

題詩遠寄屏山閣，回首人間三十年。西嶠依然仙子館，東湖還載隱君船。同時翰墨嗟誰在，隔屋詩書嘆獨賢。欲買一舟江海去，遠看喬木翠蒼天。

送易用昭

詩成長是倩人書最愛東家織翠裾
遠樹斷雲春雨外華星明月晚涼初
滿惚柿葉題都徧短帽梅花畫不如
莫向墨池成久別鸞群還欲謝崇虛

和陳溪山雪中雪晴二首

柴門積雪未全開千樹瓊林豈異哉
鉛鼎微溫過半夜玉經細咏却千灾
江南水向川流合天際春隨斗柄回
太華高人觀物表詩成先寄鶴飛來

東風先散息寒威病骨欣然解帶圍
日照瓦溝生淑氣水融硯沼漾晴暉
銀燭試戴花枝弱玉鱗新嘗菜本肥
尊酒欲爲君子壽除公誰是兩忘機

和陳溪山立春後二日即事

夢朝金闕見明晨澗泱泱總間積玉塵
三日新春三日雪一分

深雪一分春柳條封盡芽如粟梅萼飄殘實已仁欲破鳳團
銀盤凍冬温且酌并泉新

寄陳奉常并序

昔聞 朝廷

寧廟升祔奉常陳君新甫以世胄之貴游博洽之高誼
特奉 明詔出使江海之上采上金明材擇良工絕藝
新作禮器樂器求在郡國之書與通樂律之士以備一
代之盛典焉鴻儒碩彥感嘆其委任之隆非尋常效一
職治一事之凡近而已故賦相餞奇辭瑰句傳乎四方
何其盛哉僕泊然老懷未忘舊俗亦成一章奉寄

新廟工師謹駁奔奉常承 詔出修門鑄金就徵揚州貢觀
樂應求季札論功德頌成諧鳳鳥文章篆定刻瑤琨千年製
作于今盛擊壤猶慚荷宿恩

集自郢城歸溪山翁寄詩并和申字韻垂教依韻
再呈殊愧遲拙

暮春長日雨兼風買得江船未及東出郭故人邀杜老鬆耕
田父訝龐公謾從脩禊忘溪曲何用安車徧洛中旦起紫芝
行復長詠歸先與謝崆峒
待客花陰午過申茶香榆火一時新千竿嫩綠搖輕暑數萼
餘紅墜晚春坐憶雲林行道迹夢遊仙島意生身連根分種
如冰雪來向清池對玉真

謝陳溪山送蛾眉豆種

種豆南山憶故鄉蛾眉分種喜封囊底須飛鵠能嚼子未許
蹲鴟共淪湯玉碗茶香分瑟瑟瑛盤櫻顆間煌煌簞煮金
催詩句更約鄰翁共佛床

己卯秋舟過清江憶范德機

歸來江上鬢如絲，所謂伊人獨繫思。
千載清風東漢士，百年高興盛唐詩。
離離宿草秋雲斷，采采黃花夕露滋。
山水會暉無盡意，他生何處共襟期。

玉堂風日擅揮毫，海上馳駟漢二毛。
太傅竟無宣室召，拾遺空署華州曹。
孤兒衣食交遊古，白世文章墓石高。
車過不留應腹痛，寒泉秋菊賦離騷。

宜春臺晚眺

長沙王子舊層臺，古佛神龍寶殿開。
秋水繞渠三峽漲，春雲垂雨大瀉來。
萬家香火網緝合，四面峰巒紫翠堆。
最憶老藤陰覆地，空中幾見異僧迴。

廬陵歐陽德器游京以所藏先世誥勅見原功於玉堂賦此以送之

充公孫子不離鄉，封誥于今幾世藏。
恩數重懷全盛日，標題

猶是故時囊遠從史館求同姓未覺輶車滯一方昭代治平
多制作討論應及漢文章

送黃子勛

從師學道暫辭親百里西來動十旬夜讀松林堂下月晝吟
梅萼坐中春每欣老筆蛟龍走亦愛幽居鹿豕馴春服蚤成
還再到求歌同向澗之濱

書武進縣學記後

縣令之職有社稷民人之寄不敢以百里爲小也有政
焉有教焉不可以偏廢也陳君子瑛治武進脩學校馮
彥思記之可以知其所系之重矣崇仁之士觀乎其記
蓋亦有所感而不及爲者豈非天乎因邑士之意賦詩
以書其後云

從容文學聖門優惆悵吳人獨子游百里絃歌誰濟濟千年

禮樂付悠悠邑人此日傳新記弟子遙知憶故侯何事紫芝
三秀地空聞踈雨過新秋

己卯臘八日雪為魏伯亮賦

官橋柳外雪飛綿客舍樽前急管絃僧粥曉分驚臘日獵園
晨出憶殘年白頭長與青山對華屋誰為翠黛憐唯有寒梅
能老大獨將清艷向江天

漫空飛絮散輕絲所異寒威欲折絃縣令溫存僵卧叟詞人
解頌太平年前剪雲為葉煩相寄種玉成田不受憐丹鼎溫
千歲孰樂天事業在知天

寄賀吳宗師七十壽旦

開府希年正樂康聖恩錫宴在斯堂歲周一十逢熙洽正接
期願披寵光劔珮摠從仙苑集簫韶還就洞庭張替花當日
今誰是試向雲籤閱舊章

舊德高年荷聖恩，幔亭如宴武陵君。松喬能壽多深隱，園綺
來朝只暫聞。千歲天邊觀鶴髮，五雲日下護龍文。山中七日
陽初動，遙禮二台過夜分。

和陳溪山元日後雪

瓊妃剪水散春天，坐下先迎華嶽仙。飛步撚鳴蒼玉佩，閑居
能檢白雲篇。朝元閣近星辰北，獻壽盃深雨露前。白髮舊時
香案吏，幾迴七日是千年。

撫郡玄都觀羽士黃一初自京師還得大宗師吳公所
爲和詩二篇其一故翰林學士吳先生廿年前廬山中
所賦其一則和天師所與詩其一則予在茅山羅山第
一谷中送一初詩也臨行大宗師囑之云到臨川即以
示予也忽復一歲一初又將北游却賦此一百六十八
字託一初謝大宗師古道高誼也

和吳先生韻

世外神丹起積痼，塵坐見月明。過侯生猶識遺經，卓梁甫
空成鼓缶歌。柱史通家，今昔少番君。分祀子孫多。淒涼遠寄
懷賢味譜，入朱絃久未和。

和天師韻

白髮高居古道山，蓬萊雲氣隱重環。尚方徧識前朝履，特進
仍先法從班。桃李成蹊春日滿，風雲繞坐晝陰閑。梅仙舊隱
玄都館，紫陌紅塵有客還。

自和韻

荒陂野色帶餘曛，隴上時逢植杖耘。靈囿鳳麟千載去，玉階
鷄鷺此時分。誦詩自託浮丘伯，垂問長勤大隱君。為報黃茅
岡曲舍，簷端盡日宿浮雲。

贈武夷道士羅鑑空兼憶范德機